

سيناريو فيلم لم يكتمل

تأليف:

محمد خطاب

م ١

ليل / داخلي

مشهد في المستشفى

حجرة ٢

الحجرة مظلمة تقريبا .. الكاميرا تقترب من جسد رجل نائم في السرير متصل جسده
بأجهزة التنفس
و يده معلق بها محالول الجلکوز .. ملامح الوجه و الجسد غائبة في الظلام .. فجأة يحرك
جسده بعصبية
ثم يعود للنوم مرة أخرى .. وهو يردد
عاصم :
لالا .. انا معملتش حاجة .. مش أنا

م ٢

ليل / داخل

كوريدور المستشفى الدكتور يتحرك نحو حجرة العمليات و الممرضة تسأله :

ناهد :

المريض بتاع حادثة امبارح

عادل :

ماله لسه في غيبوبة

ناهد :

مش عارفة

عادل :

يعني ايه مش عارفة .. فيه ممرضة تقول كده

ناهد :

ع طول بيهلوس .. و رافض الاكل و كل ما يفوق يرجع تاني ينام و يهلوس

م ٣

ليل / داخلي

حجرة ٢

خطوات صارمة لثلاثة أشخاص يحملون مشاعل .. تظهر الكاميرا المشاعل في ايديهم و تارة
أقدامهم
لقطة قريبة علي يد أحدهم عليها وشم يفتح باب الحجرة و يدخل الثلاثة الحجرة في ثبات .. يبدو
جسد عاصم مستسلما علي سريره .. (لقطة قريبة) وجه عاصم يفتح عينيه مذعورا
عاصم يتراجع للخلف وبصوت غاضب :
انتوا تاني علوزين مني ايه ؟ مش كفاية حرقنوا عيالي و مراتي قدام عنييه

(لقطة قريبة لشفاه أحدهم وهو يبتسم)

ر ١ : لسه محرقنكش انت

ر ٢ : انت لسه عايش ازاي

ر ٣ : احنا هنخلي جسمك شمعة منورة
بيدأو إلقاء المشاعل عليه و هو يصرخ :
لالا .. كفاية مجرمين .. سيبوني
م ٤ : ليل / داخلي أمام حجرة ٢

مجند و الدكتور و الممرضة يهرعون للحجرة
الدكتور :
فيه ايه
ناهد :
مش قولتلك يا دكتور

م ٥ : ليل داخلي حجرة ٢

المجند يفتح الباب و يدخل خلفه الدكتور و الممرضة تفتح النور
عاصم :
مذعورا حرقوني حرقوني
المجند :
هما مين دول
ناهد :
شفت يا دكتور
الدكتور
حقنة مهدئة
تخرج ناهد من الحجرة و الكاميرا علي وجه عاصم يتقحص جسده
عاصم بهستريا :
حرقوني حرقوني
المجند : فين مش شايفين حاجة انت زي الفل
عاصم غير مصدق :
لالا حتي شوفوا الحرق اهو .. كانوا ثلاثة لا كانوا خمسة
تدخل الممرضة ناهد و تعطي السرنجة للدكتور
الدكتور :
مفيش حاجة من دي انت كنت بتعلم
عاصم متشككا :
بحلم يا دكتور بقول كانوا كثير و في ايديهم نار رموها عليه
الدكتور وهو يعطي لعاصم الحقنة :
الحقنة دي هتدهديك و هتبقى عال
عاصم مستسلما :
برضه مش مصدقني يا دكتور
عاصم يتثاءب و يسترخي و هو بيهلوس
عاصم :
كانوا كثير يا بوي والنار موهوجة
الدكتور للممرضة و العسكري :
نطلع ونسيبه يريح شوية

قطع ..